

WAAMBIE NINAWAPENDA

Kupokea Ufunuo wa Upendo
wa Mungu Kwako



JOYCE MEYER

MWANDISHI MASHUHURI KWA MUJIBU WA GAZETI LA
NEW YORK TIMES

Unless otherwise indicated, all Scripture quotations are taken from
THE AMPLIFIED BIBLE: Old Testament.

Copyright © 1962, 1964 by Zondervan Publishing House
(used by permission); THE KING JAMES VERSION; and from
THE AMPLIFIED NEW TESTAMENT

Copyright © 1958 by the Lockman Foundation
(used by permission).

Copyright © 2014 by Joyce Meyer Ministries – South Africa

All rights reserved. No part of this publication may be
reproduced, distributed, or transmitted in any form or by any means,
or stored in a database or retrieval system, without the prior written
permission of Joyce Meyer Ministries – South Africa.

Joyce Meyer Ministries – South Africa
PO Box 5, Cape Town, 8000

Phone: +27 (0) 21 701 1056
Website: www.joycemeyer.org

Go to tv.joycemeyer.org to watch Joyce's messages in a
variety of languages

Tell Them I Love Them – Tsonga
Not For Resale

NONGOLOKO WA TINLHOKO MHAKA



<i>Manghenelo</i>	4
1. Xikwembu Xa Ku Rhandza!	6
2. Xana Swa Ndzi Fanela?	12
3. Rirhandzu I Nhlango	20
4. Rirhandzu, Ku Tshemba Ni Ku Pfumela	26
5. Mi Tshunxekile Ka Ku Tchava	32
6. Rirhandzu Ra Kumela	37
7. Rirhandzu Ra Xikwembu Ri Ta Ku Hundzula Wena	44
Ku Ngena Ka Vutomi Lerimpswa	48
Xikhonguelo Xa Ku Ponisiwa	50
Ta Mutsari Wa Buku	52

MANGHENELO



Ndzi pfumela leswaku munhu un'wana ni un'wana a fanela kuva ni hlavutelo wa rirhandzu ra Xikwembu hi thlelo ra yena. Lawo hi wona masangulo lawa mayelanaka ni vutomi ra xikriste ra ku hlula. A rirhandzu ra Xikwembu a ri twisisiwi hi miehleketo. Ku laveka ku hi nyikiwa lhavutelo ya rirhandzo ra xona, i ntsena Moya lowokwentsima u nga hi hlavutelaka a rirhandzo lero. Leswo swi humelela loku mupfumeli a anakanya hi rirhandzo ra Xikwembu, a vona rirhandzo lero e vutonwini ra yena kutani a lava hlavutelo wa Xona hi ku khonghela hi rito ra Xikwembu.

Swi vevukile ngopfu ku pfumela leswaku Xikwembu xi rhandzile misava swonghasi xi ko xi rhumela Yesu ku ta fela misava hinkwayo. Swi karhata nghopfu ku pfumela lewaku loko wena a wo va munhu wa makumu a nga sala laha misavene Xikwembu a xi ta ku rhandza ngopfu xi thlela xi ku rhumelela n'wana wa Xona Yesu ku ta fa hi mhaka ya wena, wena ntsena.

Hi mpfhuka wa malembe yo tala, a vutomi ra mina ra xicriste ri tatiwile hi swikhunguvanyisu, ku fikela loku ndzi nga twisisa a rirhandzo ra Xikwembu. Hi tinswalo, Xikwembu xi lhavuterile rirhandzu ra Xona e ka mina hi Moya lowo kwentsima. A ve hlavutelo lowo kongomeke mina ntsena, lowo cinceke vutomi ra mina ni mafambele ya mina na xona.

Ndza tshemba leswaku leswi swi tsariweke e bukwiini leri swi ta ku nyika a ku hambana ni ku twisisa rirhandzo ra Xikwembu. Swi ta veka ka wena ndlala ya ku utwa hi wexe lhavutelo ya rirhandzu

ra Xikwembu. Mina ndzi ku khongotela ku dyondza buku leri hi ku tsongo ku tsongo, nha u ri tirhisa tanahi buku ya xipfunetelo xa dyondzo, u anakanya hi matsalwa ni mielheketo leyi u kumaka entelelo wa yona eka maphegi lawa malandzelaka.

Ndi kombisa hi ku ti tsongahata buku leri eka muhlayi, nha ndzi tiva leswaku e handle ka yena a ndzi nchumu ni leswaku lhavutelo hinkwawo kumbe ku twisisa loku ndzi nga nakona hi rito ra Xikwembu i hi kola ka tinpswalo ta Xona.

1



XIKWEMBU XA KU RHANDZA!

Hikuva Xikwembu xi rhandzile misava swonghasi, xi ko xi nyika N'wana wa Xona la nga un'we, leswaku un'nwana ni un'nwana la pfumelaka ka yena, a nga lovi, kambe a va ni vutomi lebyi nga heriki.

Yohane 3:16

Xikwembu xi lava kuva ni ndyango, hikokwalawo xi hi vumbele kuva vana va Xona. Xona a xi nyimelanga miyelheketo ya vulhangi leka hina, kambe miyelheketo ya vana. Xona xi lava leswaku hi tiseketela hi Xona, hi tshemba Xona niku hi namarhela ka Xona, na hi Xi rhandza niku hi Xi tshika Xi hi rhandza. Xona xi lava leswaku hi tshemba ka Xona niku hi ri kumela voko ra Xona ka hinkwaswo leswi hi swi lavaka. Xona xi lava ku ti lhanganisa hi Xoxe na wena.

Vanhu vo tala loko va lhaya Yohane 3:16 va lhaya va thlela va swi twisisa hi ndlela yo tala. “Aha, ina, ndza pfumela leswaku Yesu u felile misava,” kambe hina a hi ntsena vanhu lavo vo tala lavo Yesu a nga va fela. Un'wana ni un'wana wa hina i un'we wa vanhu lava Yesu a nga va fela. Yena u file hikwalaho ka wena!

Loko wena a wu vile munhu un'we ntsena la misaveni, xana Yesu

a a tava a felile wena ntsena? Xana Yena a a tava a hundzile hi ka ku xaniseka koloko hikwalaho ka wena ntsena? Yena a ku felile! Xikwembu xiku rhandza hi rirhandzu leri nga heriki.

Siku ro karhi, na ndzi yelha hi mova, Xikwembu Xi vulavulile na mina. “Joyce, wena u ndzololo ya mahlo ya Mina”. Mina niku swi tiva a ndzi nga swi tivi leswaku yikona vesi leyo ka Bibebe. Hikuhatlisa, diyavulosi a tisa miyelheketo leyi ka mina: “Vona! Wena u ni ku ti kukumuxa embilwini ya wena, xana a hi swona”? Wena u elheketa ku u mani ke? Kutani ndzi yo ti elheketa mina: “Hi swona, mina a ndzi nga fanelanga ku elheketa hi ndlela leyo”.

Ku twisisa ku hi va risima, ku hi na tinyiko niku hi hambanile swi lwisana ni ma elheketela ya hina ya ntumbuluku. Un’wana ni un’wana wa hina i munhu loyi a vumbiweke hi Tata wa hina leswaku a hambana ni vanhu van’wana.

Loko mina ndza há pimisa, Xikwembu xi ndzi nyikile xivono xa wansati na ari xitolo. Yena a a yo nyima, e reveni bya nyandza ya mahapula. Yena a lhota ku kondza a kuma hapula leri ri n’wi tsakisaka a teka rona. Leswi Xikwembu a xi lava ku ni komba hileswaku mina a ndzi ri hapula lo Xi tsakisa eka Xona. Leswi swo nge swi nga ri swona, kambe hi swona. Xikwembu Xi vula meswo ka un’wana ni un’wana wa hina: Leswaku hi valhawuriwa va Xona niku hi ni risima eka Xona. Loko Xiku hi nwanyana wa malho ya Xona, Xona a xi lavi ku vula ku hi vakulu ku tlula van’wana nilswaku a kova hava van’wana va nga ni risima ehandle ka hina. Xona Xo byela mun’wana ni mun’wana ka hina leswaku a ni risima ngopfu ka Xona [un’wana ni un’wana wa hina a ni leswi a kongomisiweke swona, swa risima, swo saseka ni ku hambana, hi kuya hi nkongometo wa kona].

Swi tsariwile ku hi nwanyana wa malho ya Xona. *Wena u nwanyana wa malho ya Xona.*

Ekusunguleni a ndzi swi kotanga ku pfumela leswi Xikwembu xi ndzi byeleke, hi ku titwa nandzu wa ku pimisa swilo swo lhamarisa ngopfu há mina. Ndzaku ka masiku mambirhi, loko ndzi pfula Bibe, malho ya mina ma wela ka Tipisalema 17:8. Lahaya a kuri na marito lawa ma ndzi kokeke miyelheketo. *Ndzi hlayise tanihi ndzololo ya tihlo ra Wena, ndzi tumbete endzhutini wa timpapa ta Wena.* Mina ndzi te: “Ndzi rivaleli Hosi, hikuva kasi, i Xikwembu Xi vulavuleke embilwini ya mina kasi hakunene ndzi ndzololo ya mahlo ya Xona”. Hi mpfhuka wa nkarhi wo leha, minkarhi hinkwayu loko ndzi tsundzuka mhaka leyi, a ndzi twa ku ndzi hukarha ka Xona ni hlatutelo ya risima ngopfu leri ni nga na rona ka Xona kutani a ndzi thlela ndzi hlamariseka.

Vanhu hinkwavo va navela niku lava rirhandzu. Xikwembu Xi hi endlisile tano. Vanyingi va kholwa leswaku Xikwembu Xi rhandza misava, ku Xikwembu Xi rhandza Yesu, kambe va tsandzeka swinene ku pfumela leswaku Xikwembu Xi va rhandza hi xiviri xa Xona. Rito, hambileswi, ri hi dyondzisaka ku Xikwembu Xi rhandza hinkwavo hi mikhuva lowu Xi rhandzaka Yesu. Xona xi rhandza ku fana ni leswi Xi rhandzisaka swona Yesu. A hi voneni Yohane 5:20: *Tatana U rhandza N'wana niku N'wi komba hinkwaswo leswi A swi endlaka; U ta N'wi komba ni mintirho leyikulu yaku tlula ni leyi, leswaku mi ta hlamala.*

Xikwembu Xi ri: “Mina ndzi endla swilo hinkwaswo leswikulu hi Yesu ni swilo swikulu ku tlula ni swoleswo ndza há ta swi endla hi Yesu, leswaku mi ta hlamala” (ka rito ra mutsari). Swa pfumeleleka hiku hetiseka ku hi hlamala hi leswi Xikwembu Xi swi endlaka.

Há dyondza Matsalwa, kambe minkarhi yin'wana hi pfumala ku twisisa ka leswi Xikwembu Xi lavaka ku swi endla hi hina. Xona Xi lava ku hi languta mintirho leyi Xi yi endleke hi Yesu kutani Xi lava ku hi yi hlamala na hi vula ku: “Ntchumu wa kona,

Xikwembu xanga! Swa hlamarisa k uvona leswi U swi endleke hi Yesu”. Hi ku landzela, Xi lava leswaku u kuma Yohane 14:12 ka Bibe le wena, laha Yesu a nge: Loyi a pfumelaka ka Mina na yena a ta endla mintirho leyi ndzi yi endlaka ni yin’wana yikulu yo tlula leyi hikuva ndzi ya ka Tatana”.

Xikwembu Xi ta endla mintirho yo fana ni yoleyo hi wena ni mintirho yikulu yo tlula ni yoleyo, hi leswi Yesu a yeke ka Tatana. Xana wena wa pfumela leswo? Xana wena wa pfumela leswaku Xikwembu Xa ku rhandza niku Xi lava ku ku tirhisa?

Hosi yi ndzi xumayelile siku rin’wana na ndzi ri ekufundeni: “Joyce, Mina ndzi endla ngopfu hi vanhu masiku hinkwawo hikuva ndza va rhandza, kutani vona a va swi voni leswo. A va swi twisisi leswi ndzi swi endlaka. Ndza ku nyika xikombiso: Siku ni siku loko ndzi byela dyambu ndzi ku: `Humelela kuva siku lerimpshwa’, ndzi endla leswo ka Joyce, ka Elizabete, ka Jaime ni ka... (engetela lana ni vito ra wena).”

Nyima nyana u ehleketa leswi. Dyambu ri xa siku ni siku ka wena! Ina, dyambu! Niku hina hi ni ntiyiso ya leswi ni xitshembiso. Há swi tiva leswaku dyambu ekutshembekeni ka rona ri ta xa masiku hinkwawo loko vanhu vari há ri kona emisaveni, hikuva hi swona leswi Xikwembu Xi swi lerhiseke xi swona kusukela ekusunguleni.

Hikokwalaho, dyambu ri xela wena! Loko nguva ya mpfula yi fika, mpfula yi nela wena! Loko dlapongo ri ta rona ri tela wena!

Xikwembu Xi ku rhandza ngopfu Xi ko xi ku nyika hinkwaswo leswi.

Duteronomi 7:9 a ri:

Kutani, tivani leswaku, Hosi Xikwembu Xa wena hi Xona ntsena i nga Xikwembu, Xikwembu xaku tshembeka, Lexi lhayisaka

ntwanano ni timpswalo kuya fika ka magidi ya tinxaka ka lava Xi rhandzaka niku hlayisa minawu ya Xona.

Xana wena wa pfumela leswaku magidi ya tinxaka ti ta ringaniwa hi rirhandzu ra Xikwembu? Tiva leswaku Xona a Xi Heli nilswaku a swi endleki ku kuma ndzilekano wa Xona kumbe ku Xi karhalisa. Xona a Xi karhali hi hina. Vo tala va pimisa leswaku va karhalisa Xikwembu hikwalaho ka ku hluleka ka vona. Rirhandzu a ri karhali, niku a swi nge endleki ku Xikwembu Xi tshika ku hi rhandza. Ku rhandza a hi ntchumu lowu Xikwembu Xi ngo wu endla. Rirhandzu hi leswi Xona Xi nga swona.

Mudyohi lo'nkulu a fambeke laha Misaveni, loyi a kotaka ku veka mahlo ka Yesu niku N'wi pswitela mahlweni na aku: "A ndzi lavi ntchumu hi Hosi, ndzi tsakile hiku helela hi kuya etiheleni"-hambi hi munhu yoloyi Xikwembu Xa n'wi rhandza. Kutani, Xi nga tshika ku rhandza vahlawuriwa va Xona Xi va hambanisa ni makungu ya Xona xana?

Kumbe xana wena u tshame u vula u ku: "Mina ndza N'wi rhandza Yesu niku N'wi pfumela hi mbilu ya mina". Kambe mina ndza ku vutisa: *Xana wena wa pfumela, hakunene, leswaku Xikwembu Xa ku rhandza wena?*

Lawa i mahungu yo vevuka ngopfu ka wena: Xikwembu Xa ku rhandza wena. Nileswaku lawa hi wona masungulo yo rhangalawa Xikwembu Xi lavaka ku ma veka eka wena leswaku u ta kota ku twisisa hikwaswo leswin'wana.

A ku na mhaka loko swin'wana u endla hiku swi dyondza, ni loko u tinyiketela eku dyondzeni, ekulaveni ka swilo swa Xikwembu. Loko u nga koti ku pfumela mhaka ya rirhandzu ra Xikwembu hikwalaho ka wena, a wu nga ta ya kule.

Rirhandzu ra Xikwembu hi wena i masungulo ya ku pfumela ka wena. Rirhandzu ra Xikwembu riku tshunxa ka swidyoho ni ku ku pfuna ku u xumayela van'wana uri hava ku tchava. Xana wa swi lava ku amukela rirhandzu ra Xikwembu?

Xikwembu Xa ku rhandza wena!

2



XANA SWA NDZI FANELA?

Ku tshemba koloko a ku hi xukuvalisi a ku hi xisi a ku hi khomisi tingana, hikuva rirhandzu ra Xikwembu ri ta na ri tchululiwa etimbilwini ta hina hi Moya lowo Kwetsima hi nykiweke wona.

Nkarhi lowu a hiri lava tsanene [hi nga ri na ntamu waku hi pfunana hi xihina], hi nkarhi wa kona Kriste a hi felile (endawini ya) hikwalaho ka vadyohi.

A hi swa ntoloveto ku munhu a nyikela vutomi ra yena hikwalaho ka mun'wana, hambu kuri ku fela munhu wa kahle wo lulama, Kumbe xana hi munhu wa matshamele y ale hehla ngopfu, wo randzeka, wa kahle munhu a nga tshuka a ti khongotela k ufa.

Kambe Xikwembu Xi kombisa niku kholwisa erivaleni [rirhandzu ra Xona] hikwalaho ka hina hi k ufa ka Kriste (Mesiya, Mutotiwa) hambu leswi a hiri vadyohi.

Hikokwalaho, leswi swoswi se hi vuriwaka lava lulameke (lava rivaleriweke, va amukeliweke, va endliweke lava lulameke niku Yena u hi tisile ka Nhlango wa ntiyiso na Xikwembu) hikwalaho ka ngati ya Kriste, hi mpimo muni [niku swi nga swona] leswaku hi nga ta ponisiwa hi Yena ka vukarhi bya Xikwembu.

Hikuva, hambu leswi a hiri valala, se hi vuyelalanile ni Xikwembu hikwalaho ka rifu ra N'wana wa Xona.

Swoswi hi nga vuyelalana se hi kona swi tiyeke ku hi ponisiwa (siku ni siku hi tshunxiwa ka ku fumiwa hi xidyoho hikwalaho ka vutomi bya Yena [ra ku pfuxiwa]).

Varhoma 5;5-10 – AMP

Vanyingi ka hina hi nga ehleketa ku Xikwembu Xi hi rhandza ntsena loko hi ri vanene, leswaku rirhandzu ra Xona ri lava hakelo. Vanhu van'wana a va ti rhandzi kutani, hikokwalaho va fika laha va hetisaka ku Xikwembu a Xi na mhaka na vona. Hikwalaho, Biblele liri: “Xana o va munhu leswaku u tsundzukahi Xona?” (Tipisalema 8:4.0 Hina hi swivumbiwa swa Xikwembu niku Xa hi rhandza hikuva Xa hi rhandza. Xona i rirhandzu. (1 Yohane 4:16).

Xona xa ku rhandza niku wena u na risima ka Xona. Leswi vula ku Xikwembu Xa ku pfumelela, wena hi wena ntsena xivumbiwa xin'we, lexi hambaneke xi nga faniki ni swin'wana.

Wena a wu faneli ku lava kuva fana na mina, na mina a ndzi faneli ku lava ku fana na wena. Loko hi ringeta kuva lava hi nga riki vona, hi twa ku xukuvala. Hinkwaswo leswo swi vangiwaka swi nyika nkarhi ka dyavulosi ku a ku byela ku wena a wu nge swi koti. Wena a swi zi ku laveka ku uri “kahle ngopfu” ka Xikwembu.

Xana Yesu a ku felile hi kuva u yo saseka ngopfu niku hlamarisa, kumbe xana a yo ku fela hi kuva u yo N'wi rhandza? Biblele riri loko Yesu a ku rhandzile swo ringana a kondza a ku fela, ku fika ni sweswi se u endliweke wo lulama, hi ngati ya Yena, Yena a ta ku rhandza. (Varhoma 5:8-9). Yesu a ku rhandza swa mpimo leswaku a yeneta ku tchota ka wena ka siku ni siku. Yesu a ku rhandza swo ringana leswaku a ku pfuna ku hanya siku leri le matimbeni ni lek

u hluleni.

Siku rin'wana, Xikwembu Xi ni kombile xikombiso lexi Xona Xi vonaka swihoxo swa hina ni ku tchota ka hina. Ehleketa hi xintombana xa 3 kumbe 4 wa malembe lexi langutaka leswi manana wa xona a swi endlaka loko a basisa munti. N'wana yelweyo a ta rhandza mamana wa yena hi ndlela yaku a ta ya teka bakidi la mati ni xingugwana a ya sungula ku basisa mavidru ya mafasitele na yena. N'wana a ta tchukutchela mavidru hi ndzaku a ya teka xithawulana xa mapapela a womisela mavidru. Hambi leswi mavidru ma nga va ma salile ni mindzati hambe nsimpho, ehandle ka ku a tirhisile xingugwana lexi laviweke hi mamana wa yena. Hi ku landzela n'wana a ku ka mamani: "Mamana, mamana, vona, ndzi basisile vidro la fasitela la sala. Ndzi endlile ntirho. Ndza wu rhandza ngopfu, mamana".

Mamana wa rirhandzu a a ta wula ku: Aha, wena u endlile swilo swa kahle. Khanimambu hi ku ni pfuna. Kutani hi ndzaku, loko se n'wana a nga swi voni,

Mamana a a ta gama a basisa mavidru ya fasitela, kutani hi nkarhi wun'wana, a kombisa ntsongwana mabasisesele ya manene.

Xikwembu Xi ndzi byelile leswaku hi leswi Xi endlisaka swona ka hina. Xona minkarhi hinkwayo Xi basisa ntchaka leyi hi yi vangaka. Loko hi ri eku endleni ka swilo swa kahle leswi hi swi tivaka, leswo hi swona hinkwaswo leswi Xikwembu Xi swi nyimelaka ka hina. Xikwembu a Xi rindzeli leswi hi nga swi kotiki ku swi endla. Xona Xi nga hi hundzula loko hina hi lulamile leswaku hi ta vula ku:

"Ina, Hosi yi vula swona. Ndza pfumela leswaku ndza phazama. Se ndzi ringetile ku tchintcha matshamele, kambe a ndzi swi koti". Kutani Xona xi ta ku pfuna hikuva Xa swi tiva leswaku ehandle

ka ku pfuniwa hi Xona a wu nge koti ku lungisa mhaka ya wena hi wexe.

Hikuva leswi Yena, loyi Xikwembu Xi N'wi rhumeleke, a vulavulaka Rito ra Xikwembu [A huwelela mahungu ya Xikwembu], Xikwembu a n'wi nyiki Moya wa Xona hi wutsongo-wutsongo kumbe hiku pima, kambe hi laha ku nga pimiwiki i nyiko leyi Xikwembu Xi yi nyikaka [ka un'wana ni un'wana wa hina] loko [Xi hi] nyika Moya wa Xona!

Tatana U rhandza N'wana kutani a N'wi nyikile (N'wi tshembile niku N'wi nyika) hinkwaswo evokweni ra Yena.

Yohane 3:34-35.

Siku rin'wana, loko ndzi ri eku dyondzeni, loko na ndzi anakanya vesi leyi, ndzi rilile hi ku tsaka loko ndzi twisisa leswaku Xikwembu a Xi nyiki Moya wa Xona hiku pima.

A Xi hi nyiki wa wutsongo nyana lana kutani Xi ya hi nyika wun'wana le.

Kusungula, Xona xiri: “Hileswi hinkwaswo leswi ndzi nga naswona; tekani”. Matimba ni rirhandzu ra Xikwembu swi kona kuva u swi kuma wena nyamuntla. Xona Xini hinkwaswo leswi u swi lavaka niku swi le kusuhi na wena. Swo lava ntsena ku u swi amukela hi ka Xona. Há yini? Hikuva Xa ku rhandza wena. Kumbe u ni vunene kumbe a wu na vunene ka Xona a swi na mhaka. A swi nga ta tshuka swi lava ku wena u endla nchumu leswaku u faneliwa hi ntchumu wa Xona. Ku endlela ku u amukela ntchumu hi ka Xona a swi laveki ku u xongile kumbe u tlahihile. Xona Xi nyika hikuva Xa ku rhandza.

Ka Duteronoma 7:6-7 – AMP, Xikwembu Xi te:

Hikuva n'wina mi vanhu lava hlawuleriweke Hosi Xikwembu xa

n'wina; Hosi Xikwembu xa n'wina Xi mi hlawulile leswaku mi va vanhu va Xona va risima, exikarhi ka vanhu va matiko hinkwawo ya misava.

Hosi a Xi yo veka rirhandzu ra Xona henhla ka n'wina kutani Xi mi hlawula hiku miri vo tala ku tlula vanhu van'wana, hikuva nhlayo ya n'wina a yiri yitsongo.

Enkarhini lowuya, Xikwembu Xi hlawulile vaisraele kota tiko ra Xona ra risima. Nyamuntla, tanihi Kereke, hi Israele wa moya wa ntiyiso. Kutani, tsalwa leri i ra wena tanihi laha ri veke ra vona. Xona Xi ku: “Mina a ndzi mi hlawulanga hikuva rixaka ro tala ngopfu la misaveni”. Loko ku vekiwa leswi ka hina, a swi tava:

“Mina a ndzi mi hlawulanga hi ku endla leswinene niku nga ri hiku hiri vo hlamarisa”.

Xikwembu Xi te vona a va nga ri vanhu vo tala. Hakunene, loko wena u fana na mina, na mina a ndzi anakanya leswaku ndzi bihile ku tlula van'wana loko ndzi nga si ponisiwa. Hambiswiritano, ka vesi ya 8 (MHL), Xikwembu Xi te: “Hikwalaho ka ku Xikwembu Xi mi rhandzaka ni hikwalaho ka ku hlambanya ka Xona loku xiku endleke eka vatata va n'wina, Hosi yiku susa lomu a wuri kona hi voko ra ntamu niku Xi mi kutsulile emutini wa vukhumbi, ka voko ra Faru, hosi ya Egipta”.

Lexi i xivangelo leswaku hit lula hiku tsaka! Xikwembu Xi te: “Mina ndzi vekile rirhandzu ra Mina henhla ka wena xiku u kwetsimile. Mina ndzi te u na risima. Mina ndzi n'wi hlawulile ku nga ri hiku saseka kumbe munhu wo hlamarisa; ndzi hlawulile wena hikuva ndza ku rhandza”. Xana wa swi tiva leswi Xikwembu Xi lavaka ku u swi endla nyamuntla? Xi lava leswaku u pfumela rirhandzu ra Xona.

Hina hi ni ku tsandzeka kukulu leswaku hi ti rhandza. A hi kholwi

leswaku Xikwembu Xa hi rhandza kumbe leswaku van'wana va nga hi rhandza: Hi pimisa leswaku: “A va ta ndzi rhandzisa ku yini leswi ndzi nga pfuniki nchumu?” Loko mbilwini ya wena u pimisa ku u muhomboloki niku a wu xonganga. U nga ta swi kota ku ti vona u ri le henhla loko leswo swi nga sunguli hi kuva kona embilwini ya wena.

Mhaka yikulu ya mina a yiri yaku ndzi nga ti rhandzi mina kutani a ndzi heta nkama wunyingi wa mina hi ku ringeta ku ti hundzula. Mina a ndzi pimisa ku ndzi vulavula ngopfu, kutani ndzi ringeta ku sungula ku vulavula kutsongo. Loko ndzi miyelile, a ndzi nga titwi kahle, kutani

Ndzaku ka swona hinkwavo a va lava ku tiva leswaku há yini ndzi miyelile. Mina a ndzi ehleketa ku: “Kambe hi n’wina mi nga te mina ndzi vulavula ngopfu, leswaku ndzi tshama hiku vulavula. Swoswi ndzi tshikeni eku rhuleni. Ndzo lava ntsena tititi”.

Ndzi hanyile malembe yo tala ka mhaka leyi, na ndziya mahlweni ndzi ri ni timhaka ta leswi a ndzi vulavula swona. Vanhu vaku vulavula ngopfu va kotlana ku tchada ni vanhu lava nga vulavuliki ngopfu. Hikokwalaho, munhu loyi a nga yena a vulavulaka ngopfu a ta koka mahlo ya la vo tala, kutani dyavulosi minkarhi hinkwayo u ta ringeta ku mu komba ku hambana loku tanihi ntchumu wo kala wu nga pfuni ntchumu. Leswi hi leswi hi swi vulaka ku avanyisiwa.

Xikwembu Xi lava leswaku wena u tshunxekile eku avanyisiweni, kambe swa laveka ku u ri ni kupfumela leswaku u hanya na u tshunxekile eku avanyisiweni. A wu swi tiva leswaku, a kuna mhaka leswi u ti twisaka swona nandzu, ku titwa nandzu ka wena a wu nge hakeliwi hi xihoxo xa wena xana?

Dyavulosi a tshama hiku ku bohelela hi miyehleketo yaku wena a

wu wa ntchumu, nilswaku wena u mu bihi niku a wu sasekanga. “Leswo i xilo xo tlula pimu lexi u xi endleke,” yena a n’wi byela a ku. “U ehleketa ku imani? Xikwembu xi nge tshuki xiku katekisa. Wena u nsila! Ndzaku ka leswi a wu nge he tshuki u vula vumboni hi ta Xikwembu. Wena a wu koti ku endla ntchumu wu huma kahle”.

Nkarhi lowu hi wona lowu u fanelaka ku tirhisa munhu wa wena w ale ndzeni u ku: “Tatana, ndzi phazamile kutani swoswi ndza ku kombela, hi ngati ya Yesu, u ndzi rivalela. Mina ndzi lava rivalelo ra Wena, Dyavulosi, suka u famba! Yesu u hakelele xidyoho xa mina kutani leswi ndzi swi endleke a hi mhaka ya wena leswo”.

Lawo i masungulo yaku wena u ya mahlweni u hanya vutomi bya wena na wu tsakile ni ntsaku wa ku ponisiwa ka wena. Kumbe xana wena u lava

Ku ndzi vutisa u ku: “Se loko mina, hi vuphunta ndzo thlela ndzi endla xihoxo xolexo?” Na mina a ndzi ehleketisa swoleswo. Loko ndzi nyimile ku pfumelela kuavanyisa loko ku ta henhla mina, kutani ndzi hlulile mhaka leyo.

Nandzu ni niku avanyisa i ku tika loku tshamaka ka moya wa wena kutani swi ku wisa emoyeni hi laha u nga swi kotiki ku ti tshunxa ka xihoxo lexo.

Swa laveka ku kota ku alela moya waku avanyisa. Swi laveka k uva ni ku pfumela kutani ku tirha hiku pfumela leswaku u ta hlula u vula ku e-e ka miyehleketo ya ya nandzu. Kumbe xana dyavulosi a nga ku vutisa a ku: “U lava ku vula leswaku a wu nga ta tshuka swi ku tikela leswi humeleleke? A u fanela ku kombisa ku tikeliwa nyana hi minkarhi nyana. Leswi u swi endleke swa tchavisa”. Nhlamulo ya wena yi fanele kuva ntsena leyi: E-e! “A ndzi nga ta rhwala ku tika ni kun’we”.

Ekusunguleni, leswo swi nga ku tikela ku u swi endla, kambe, ndzaku ka loko u swi endlile hi makhambe ya 3 kumbe ka 4, swi ta ku vevukela ngopfu.

Ka Esaya 53, vesi 5-6 ni 11, hi *Mahungu Lamanene*, ku tsariwile leswaku loko Yesu a rhwalile swidyoho swa hina hi mukhuva wolowo a hi rhwalelile ni nandzu wa xidyoho xolexo (kutani leswo swi patsa ni ku avanyisa). Dyavulosi a nga lavi leswaku wena u tshunxeka ka ku avanyisiwa. Há yini? Hileswaku, loko wena u titwa u avanyisiwile, u nga ta kota ku hlula niku tshama ka rirhandzu ra Xikwembu. Ku avanyisiwa ku ku hambanisa ni Xikwembu; swi fana ni rirhangu leri akiweke hi nsimbi. A swi koteki ku u vona Xikwembu Tatana loko hi khandzihela ka tiko ra nandzu. Hinkwaswo leswi hi swi vonaka ka ndawu leyi i xidyoho ni nandzu mahlweni ka hina.

Sungula ku famba u tshunxekile ekuavanyisiweni u tshemba niku, loko Xikwembu Xi vulile leswaku Timpwalo ta Xona ta ringana ku finingeta xidyoho xa wena, Xona a Xi v ulavula ntiyiso hakunene. Timpwalo ta Xona ni ku rivalela ka Xona i nyiko ya mahala eka hina. Amukela hi ka Xona nyamuntla! Xikwembu Xa ku rhandza wena!

3



RIRHANDZU I NHLANGANO

Kutani hina há swi tiva (há twisisa, há swi tivisisa, niku há swi tiva leswaku, ku nga va hi ku swi langutisa kumbe hiku swi hanya) niku há pfumela (ku amukela ka, ku veka ku pfumela ka, niku langutela ni) rirhandzu ka rona leri Xikwembu Xi ti tsakelaku há hina. Xikwembu i rirhandzu, kutani loyi a tshamaka erirhandzwini, a tshama ka Xikwembu, ni Xikwembu Xi tshama ka yena.

1 Yohane 4:16 – MHL

U nga swi kotisa ku yini ku twisisa niku tiva rirhandzu ra Xikwembu? A ku na mhaka ku Xi ku rhandza ndjani; loko wena u nga twisisi kumbe u nga swi tivi leswi, swi nga ta ku pfuna. Loko munhu a ku komba rirhandzu, swi ku endla wena u titwa kahle niku kota ku lava ku koka ni misava hinkwayo. Xikwembu Xa ku rhandza wena kutani Xi lava ku ku komba rirhandzu ra Xona. Xona Xi lava leswaku u teka nkarhi na Xona masiku hinkwawo.

Wu ndjani Nhlangano wa wena ni Xikwembu? A kuva u ponisiwile se hi malembe yo tala a swi vuli leswaku wena u ti phina hi Nhlangano wa ku pfundza ni Xikwembu.

Loko ndzi pfula mahlo ya mina ni mixo, miyehleketo ya mina yo sungula ndzi yi yisa ka Xikwembu. Nivusiku, loko ndzi ya

eku etleleni, miyehleketo ya mina ya makumu ndzi yi yisa eka Xikwembu. Hi pfhuka wa siku hinkwaro, ndzi pimisa hi Xikwembu nkarhi hinkwawo. A ku na swin'wana ka misava leyi ndzi swi lavaka ngopfu ku fana niku tirhela Xikwembu Xa mina niku Xi tsakisa. Swa ampswa ku tshika leswi lavekaka leswaku ndzi kuma leswo.

Phakathi ka munhu un'wana ni un'wana kuni ndzawu ya phanga leyi ntsena yi nga pfaliwaka hi Xikwembu. A kuna ntchumu lowu u wu navelaka kumbe u wu lavaka ku wu kuma u nga tshukaka wu pfaleta ndawu leyo. Kumbe xana u nga tshuka u ti byela u ku: "Ina, se ndza swi tiva. Se ndzi amukelile Yesu". Kambe xivutiso hi lexi: "Xana wa haya mahlweni u N'wi pfumela nkarhi un'wana ni un'wana ke, ka mmhaka yin'wana ni yin'wana ni ka siku ni siku ra vutomi bya wena xana? Xana u lek u amukeleni rirhandzu ra Xikwembu?"

Xikwembu Xa ku rhandza wena nilswaku wena u na risima ka Xona. Xona Xi hi vumbele leswaku hi ri ni xinakulobye na Xona. Loko hi kona ku naveka ka Xona lokukulu niku rhandza ko hetiseka ka Xona eka vutomi bya hina. Hi le xiluvweni xa Xona, Xona Xi korhama siku ni siku ka wena Xi ku: "Lixile, ndza ku rhandza wena".

Mungana wa mina a vile ni xivono hi siku rin'wana na a ri karhi a kongela. Yena a vonile Tatana na a ngena emintini ya vanhu vo karhi loko na va pfuka nimixo. Yena a a ngena leswaku a ri ni xinakulobye na vona niku vulavula ni un'we há un'we wa vona. A a tshama etafuleni leswaku a vulavula na vona. Vanhu volavo a vo huma-huma na va ngena ndlwini, na vo tirha. Va byela Xikwembu va ku: "Hi nkarhi un'wana, Xikwembu. Loko hi heta ku tirha leswi, hi ta vulavula; loko hi heta leswiya, Xikwembu, hi nga va ni nhlngano". Minkarhi hinkwayo na va swi vekela nkarhi un'wana.

Kutani a siku ri pela, kutani wansati loyi a veke ni xivono a vona Tatana a hunu emuntini wolowo a wisile ni makatla. Siku hinkwaro

Yena a hlamula a ku, kambe a kuna loyi ka munti lowa a vulavuleke na Yena kumbe ku hlangana na Yena. Leswo swi endlile lo wansati a khumbeka.

U nga ti tateli ngopfu mintirho ku tlula mpimu. Loko u nga ri na nkama waku khongela niku uri na Xikwembu wexe, hileswi u tshamaka u tele hi mintirho yo tala. Ku laveka ku u ti nyika nkama waku u byela Xikwembu leswaku wa Xi rhandza. Loko hinkwaswo swi hela, ko msala ku rila ntsena, ku hava un'wana ehandle ka Xikwembu. Leswo ntsena. Loko wena u nga ri na Nhlngano lowu hanyaka na Xikwembu, swi ta tshuka se u xwela nyana ku tlela u pfluxeta Nhlngano ka mhaka leyo. Leswo a swi vuli leswaku a wu nga ta ya etilweni, kambe u tava u luzile ku hanya vutomi la ku hlula laha Misaveni.

Mina ndzi ku vekela mavonele yaku u susa nkarhi un'wana lowu u nga ta anakanya hi wona rirhandzu ra Xikwembu niku u tshika Xikwembu Xi ri tanihi balsamu eka wena. Pfumelela Xikwembu Xi ku rhandza.

Nyima ku tikarhata hi ku pfumela hi matimba ya wena. Tanihi wanuna kumbe wansati wa Xikwembu, wena a wu faneli ku kholisa munhu kumbe ku ti kholwisa wena leswaku u ni ku pfumela ni matimba. Tshika leswo, swa ringana kuva kukota xihlangi. Endla n'wana wa Xikwembu. Khwela henhla emuzimbeni wa Tata wa wena u N'wi tshika a ku rhandza. Xikwembu a Xi nge ku rhandzi hi ntiyiso loko wena ku sungula u nga Xi pfumeleli ku Xi ku rhandza wena hi vumunhu bya wena hinkwabyo ku sungula.

Kutani hina há swi tiva (há twisisa, há swi tivisisa, niku há swi tiva leswaku, ku nga va hi ku swi langutisa kumbe hiku swi hanya)

niku há pfumela (ku amukela ka, ku veka ku pfumela ka, niku langutela ni) rirhandzu ka rona leri Xikwembu Xi ti tsakelaku há hina...

1 Yohane 4:16 – MHL.

Xana wena u tekile nkarhi wo karhi na u pimisa hi leswi Xikwembu Xi ku rhandzisaka swona? Loko munhu a pfuka nimixo, há kanyingi, a nga na ku navela ku endla ntchumu. Kambe swa laveka ku tirhisa nomu ku wu vulavula leswaku wu pfula munhu wa ntumbulukulu leswaku a khindlimuka emoyeni wa yena; munhu w ale ndzeni wa moya loyi a nga swi kotaka niku endla swihlamariso.

Hikokwalaho, loko u pfuka nimixo, sungula ku pimisa u ku: “Tatana, mina ndza ku khensa hi ku ndzi rhandza ngopfu. Mina ndza ku khensa hi ku rhumela Yesu a ta ta ndzi fela. Tatana, khanimambu hikwalaho ka Moya wa Wena wo Kwetsima lowu tshamaka ka mina. Ndza ku khensa hikuva matimba lawa ma nga pfula Yesu xikarhi ka vafi ma tshama eka mina. Hosi, mina ndza ku khensa, hi leswaku, o va laha ndzi nga ta ya kona namuntla, mina ndzi ri nkateko. Xikwembu, Wena wa ndzi rhandza! Lana ndzeni ka yindlu ya mina leyitsongo rirhandzu ra Wen ara ni fikela. Wena wa ndzi rhandza! Ndzi n’wana wa risima ka Wena. Mina ndzi ndzololo ya mahlo ya Wena. Wena wa ndzi rhandza!”

Swa laveka leswaku u ri na bulu wena wexe leswaku u ta twisisa niku tiva leswaku u rendzeliwile niku u dumeliwile hi rirhandzu ra Xikwembu. Biblele ri ri, ku fana ni ku tsaliwa ka miri, Xikwembu Xi swi tsala exiyandleni xa voko ra wena. (Esaya 49:16 hi *Mahungu Lamanene*). Ndzi nga ehleketa Hosi le tilweni, ndzi languta xiyandla xa Yena niku: “Vona laha. Xana a xi sasekanga xana? Mina ndzi n’wi rhandza ngopfu. Vonani, vana va Mina lava tsariweke emavokweni ya Mina.” Xona Xi na wena na u tsariwile kwale tanihi xitsundzuku xa minkarhi hinkwayo leswaku Xa ku

rhandza niku Xi rindzela k uva ni Nhlangano na wena.

Tsundzuka ku khensa Xikwembu niku u sungula k uva ni Nhlangano na Xona. Minkarhi yin'wana swa laveka ku hi wa hi matsolo hi khensa Xikwembu hiku hi ponisa ka Xona.

Suka u ya tshama wexe ni Xikwembu. U Xi byela leswi u Xi rhandzisaka swona wena.

Lhaya ka 1 Yoihane 4:16-17 MHL, laha Xona xi vulaka xi ku:

Xikwembu i rirhandzu, nilswaku loyi a tshamaka erirhandzwini, a tshama ka Xikwembu, niku Xikwembu Xi tshama ka yena.

Eka ntwanano lowo ni Nhlangano na Xona, a rirhandzu ri tisiwa hiloko ku kumeka ku hetiseka loko ringana eka hina, leswaku hi kuma ku tshembeka hi Siku ra ku Avanyisa.

Loko hi ri ni vutivi bya ku Xikwembu Xa hi rhandza, leswo swi hi nyika ku tshemba ka Xona niku swi hi nyika ntiyiso ya ku tshembeka ka Xona eka hina.

Minkateko hinkwayo yin'wana yi kumiwa hi ku tivisisa rirhandzu ra Xikwembu: Ripfumelo rikulu, ku hlula xidyoho, ku hanyisa, ku humelela ni ntsaku. Hinkwaso swi ta eka hina loko hi pfumelela leswaku rirhandzu ra Xikwembu ri hi fikela.

Ndzi pfumela leswaku swa laveka ku hi tshika Xikwembu Xi hi rhandza ku kondza hi Xi twa. A ndzi pfumeli leswaku hi nga kota ku kombisa rirhadzu ra hina ka Xikwembu loko hi nga tshiki Xona ku rhanga Xi hi kombisa rirhandzu bya Xona ka hina.

Mina ndzi nga ku byela leswaku: “Wena u lava leswaku u ri na xinakulobye ni Xikwembu”. Kambe swi endlisiwa ku yini leswo? Loko mina Xikwembu Xi ndzi byelile leswaku ndzi ri na

xinakulobye na Xona, ndzi ti twile ndzi tshamile ka musofa na ndzi ku: “Kutani swoswi, ndzi endla yini?” Hi swona leswo! Mina a ndzi nga swi tivi kuva na xinakulobye ni Xikwembu hikuva enkarhini lowuya mina a ndzi nga si va ni vutivi byo entelela hi rirhandzu ra Xona eka mina.

Xana swa koteka ku kombisa rirhandzu ra yena ka munhu na ku vuliwa ku hlamarisa ka yena munhu yoloyi, leswi u n’wi rhandzisaka swona, na loko wena hi entelelo u nga swi tivi leswaku hi ntiyiso munhu loyi wa ku rhandza wena? Hi ntiyiso wena u nga kanakana ku endla ntirho wa vuphukuphuku.

Wena u ti twa kahle ni lava u va tivaka nilswaku va ku rhandza i va ku pfumela. Ndzi nga endla niku vula swilo swo karhi ka nuna wa mina na ndzi nga mu khunguvanyisi. Ni ka munhu ni un’we ndzi nga tshukaka ndzi swi endla. Swi tano ni ka Xikwembu.

Teka masungulo. Nyika nkarhi Xikwembu, kutani Xona Xi ta ku dyondzisa leswi u nga kotisaka swona ku u ri ni xinakulobye na Xona. Ti vutisi xivutiso xexo hi wexe u ku: “Xana mina ndza ti twa kahle ni Xikwembu/”

Xikwembu Xa ku rhandza wena!

4



RIRHANDZU, KU TSEMBA NI KU PFUMELA

Hikuva, [loko hi ri] ka Kriste Yesu, hambi ku yimba kumbe ku kala ku yimba a swa há hi pfuni hi ntchumu kambe ina ku pfumela hi kona loku pfuxetiwaka, ri tlarihisiwaka, ri tikombaka, ri tirha hikwalaho ka rirhandzu.

Vagalatiya 5:6 – MHL

Ivangani ka hina hi hetaku nkama wunyingi ni ntamu wa hina hi ringeta ku kuma ku pfumela! Há swi tiva leswaku ehandle ka ku pfumela a swi koteki ku tsakisa Xikwembu. (Vaheveru 11:6). Kutani, a hi lweni hi ti karhatela ku engetela ku pfumela ka hina. Hikuva, ku pfumela i ntchumu lowu liumbaka mbiluniku, loko swiritano, swo kumeka ntsena loko ku ri niku tshemba eka Xikwembu. Loko ku ri hava Nhlanganano wa rirhandzu ni ku hanyisana ka munhu ni Xikwembu a swi koteki ku Xi tshemba Xikwembu. A ndzi nge ku dyondzisi wena leswaku u ri na rirhandzu, kambe ndzi nga ku dyondzisa masungulo yo karhi ya ku pfumela, leswaku u ri ni ndlala leswaku u ti karhatela ku kuma ku pfumela hikwalaho ka hlavutelo ya Xikwembu.

Nyima ku u ti karhata hi wexe ku kuma ku pfumela niku tsakisa

Xikwembu. Tirhisa ntamu lowo ni nkarhi u ti tsakela eka rirhandzu ra Xikwembu ni ku Xi rhandza.

Heta siku hinkwaro na u pimisa hi rirhandzu ra Xona eka wena niku Xi thlerisela hi rirhandzu ra wena.

Hikuva hi famba hiku pfumela [hi seketela vutomi bya hina niku ri fambissa hi ku hundzuka kumbe ku pfumela na hi xixima Nhlngano exikarhi ka munhu, Xikwembu ni swilo swa matilo, hiku tshemba niku hiseka ko kwetsima; hi mukhuva lowu hi famba] ku nga ri hiku swi vona kumbe hi matshamele ya swilo.

2 Vakorinto 5:7 – MHL

Siku rin'wana, loko ndza há hlaya vesi leyo, Xikwembu Xi sungulile ku vulavulaswilo swa ku hanya embilwini ya mina. Ka hinkwaswo ka vutomi bya mina, lava ku famba niku hanya hiku pfumela. *Ka Mahungu Lamanene ya Bibeles, swi tsaliwile ka 2 Vakorinto 5:7... hina hi seketela vutomi bya hina niku byi yisa hi ku hundzuka kumbe hi ku pfumela loku hi nga na kona ka Nhlngano wa hina ni Xikwembu.*

Hi marito man'wana, leswi ndzi pimisaka swona hi Nhlngano wa mina ni Xikwembu swi ta komba leswaku ndzi ta va ndzi famba hiku pfumela kumbe e-e. Xana wa swi twisisa leswo? Munhu loyi a nga riki kahle ka nhlngano wa yena ni Xikwembu a nge koti ku famba hiku pfumela. Munhu loyi a ti vonaka a ri xiwungu a pimisa ku Xikwembu a Xi n'wi rhandzi na yena a nge koti ku famba hiku pfumela. Vanyingi va swi lava ku famba hiku pfumela, kambe va tchotelwa, letimbilwini, ku tshemba ka ku hanya hi ku pfumela.

Ka Vagalatiya 5;6 ku tsaliwile leswaku ku pfumela ku tirha hi rirhandzu. Xikwembu Xi vekile ku twisisa loko embilwini ya mina: “Vanyingi va ehleketa ku loko vona va nga rhandzi van'wana ku

pfumela loku va nga na kona a k unge tirhi. Leswo a hi swona leswi tsariweke. Nhlamuselo ya ntiyiso hi leyi; loko u nga twisisi rirhandzu leri ndzi nga na ro mina hi vona, ku pfumela loku va nga na kona k unge tirhi”. Ku pfumela ku tirha hi rirhandzu, kambe ku nga ri hi rirhandzu leri ndzi nga na rona kumbe leri a ndzi fanela k uva na rona hi van’wana, kambe mpimo lowu wa rirhandzu leri mina ndzi ri pfumelelaka ku Xikwembu Xi ri tchulula henhla ka mina.

Kuni ku hambana kukulu ka leswo. Ku tshemba ka Xikwembu, ku famba hiku pfumela iku tiseketela hi Xona, ku tshemba ka Xona eka hinkwaswo. A swi koteki ku endla leswo ka munhu loko hi nga swi tivi leswaku kumbe munhu yoloyi wa hi rhandza. Wena a wu nge tshuki u tshemba Xikwembu loko u nga swi tivi leswaku Xa ku rhandza wena.

Loko a wo swi tiva leswi Xikwembu Xi ku rhandzisaka swona, a swi ta vevuka ngopfu ku amukela ku hanyisiwa ka le tilweni. A swi ta vevuka ngopfu ku amukela ntirho waku kuma male naswona.

Xivangelo lexi u nga amukeliki wena hileswaku wena a wu pfumeli hiku hetiseka leswaku I Xikwembu Xi nyikaku ku hanyisa loko. Kumbe xana wena u nga ku: “Mina ndza swi lava ku pfumela ka leswo, kambe swi nga kotekisa ku yini?”

Wena u na rona rirhandzu ra Xikwembu endzeni ka wena. Hinkwaswo leswi swi lavekaka ku u swi endla iku sugunla ku Xi twisisa tanihi loko Xi ku komba ka timhaka hinkwato. Bibe le ri ri: “Hina hi Xi rhandza hikuva Xona Xi rhangile Xi hi rhandza.” (1 Yohane 4:19). A swi nga ta koteka ku rhandza Xikwembu na ku nga ri na ntiyiso waku Xona Xi rhangile Xi hi rhandza.

Hinkwaswo leswo swi tshamile ka wena, embilwini ya wena. Hinkwaswo swi le ndzeni! Xikwembu Xa ku rhandza wena! Wena

wa hlamarisa! Niku u sasekile! Ni risima! U hlamarisa ngopfu!
Xikwembu Xa ku rhandza wena!

Ku hava loyi ka misava leyi anga ta ku rhandza hi leswi Xikwembu Xiku rhandzisaka swona. Wena u lava Xikwembu ku nga ri mun'wana munhu. Hikokwalaho, Xona xi ta veka vanhu van'wana ka vutomi ra wena. Ntiyiso hileswaku a u ta swi kota ku hanya wexe ni Xikwembu loko van'wana a va nga ri kona. Xikwembu minkarhi hinkwayo Xi tava mungana wo ampswa wa wena ni mupangalati, Xi tava mamana kumbe tatana wa wena loko u nga há ri na vona.

Xikwembu xi ku rhandza wena hi ntalu. Hikokwalaho u nga Xi tshemba ka leswi lavekaka. Loko wena u pfumela, kutani u ta amukela, hikuva wa swi tiva leswaku xi ta endla hinkwaswo hi wena. Kambe loko u nga se swi tiva leswaku Xikwembu Xi ni swilo swo karhi, u nga ta tshuka uri ni ku pfumela ko ringana leswaku u amukela.

Loko wena u pfumelela Xikwembu Xi ku rhandza, ku pfumela ka tirha. A ku tirhi hi ku tikarhata ka wena ka ku u rhandza munhu. Tshika Xikwembu Xi rhandza wena kutani u heta siku na u ti byela hi wexe: “oh Xikwembu, ndza swi tiva ku wa ndzi rhandza. Haleluya! Tatana, mina ndza ku dzunisa ni ku tlakusa Vito ra Wena!”

Smith Wigglesworth a vile muapostola lo'nkulu wa Xikwembu. Mun'wana a n'wi vutisile leswaku xana a a ko endla swikongelo swo leha. Yena a hlamula a ku: “Minkarhi yitsongo ndzi kongela ku tlula 30 wa timeneti hi kambi rin'we, kambe swa kala ku ku hundza 30 wa timeneti na ndzi nga kongelanga.” Yena a ku, nkarhi wo karhi, loko a twile xivilelo xaku a tisola loko a tshuka a hundzile 15 wa timeneti na a nga va nga ni patsano ni Xikwembu.

Minkarhi yin'wana hi nyimela ku amukela hi ka tindawu to kala ti nga ri tona. Swilo a swi humeleli hi kuya hi mintirho ya hina. Xikwembu xo hi katekisa hikuva Xa hi rhandza.

Xona Xi hi nyika hinkwaswo hiku fana ni loko Xi hi nyikile ku ponisiwa hi mahala.

Wena u nge voni ku ponisiwa ka xaka ra wena kumbe mungana hileswi wena u tirhelaka leswo. Pfumelela leswaku rirhandzu ra Xikwembu ri ku tata, kutani, loko u ngena evukoneni bya munhu yoloyi u tava u lulamile ku n'wi rhandza.

Bibele ri hi dyondzisa ku rhandza vanhu, hikuva hi swona leswi nga ta va koka va ta ka Yesu. A hi marito ya hina yo tala ni tindlela to tlariha swi va kokaka ku ta ka Yesu. Kambe a swi koteki ku rhandza vanhu loko hi nga si swi kota ku pfumelela ku Xikwembu Xi hi rhandza.

Ka Vaefesa 2:8 – MHL ku tsariwile ku: *Hikuva hi timpswalo (hi ku tshunxeka ni hi mahala) [vunene lebyi nga hi faneliki bya Xikwembu] hi ponisiwile...* Xana se u swi twisisile leswaku a wu endlanga ntchumu leswaku u ponisiwa? Vanyingi ka hina a hi ri vamatiko kuya fika laha Yesu a hi poniseke. Ku ponisiwa ka hina a k uva nga hikwalaho ka mintirho leyinene ya hina kumbe ka ku swi kota ka hina ku endla leswinene. Ku ponisiwa ku vile hikwalaho ka xivangelo: Xikwembu Xi hi rhandzile swo ringana, Xi kondza Xi nyiketa N'wana wa Xona wa un'we leswaku un'wana ni un'wana loyi a pfumelaka ka Yena a nga lovi kambe a ri ni vutomi leri nga heriki (Yohane 3:6).

Timpswalo na tona ti nga kumeka hi ku rhandza ni nkarhi wa Xikwembu wa ku xi veka ku swi kota ka Xona ni matimba ya ku lungisa hinkwaswo leswi u swi lavaka ka vutomi leri. Tanihi leswi Xikwembu, hi timpswalo ta Xona, Xi nyikeke ku pfumela ko

ringana, leswaku u ponisiwa, Na Xona, hikwalaho ka rirhandzu ra Xona hi wena Xi ku nyika ku pfumela loku lavekaka leswaku u pfumela leswaku Xona lexi ku nyikaka swilo.

Loko ku pfumela loku Xi ku vekeke ka wena ku ringene leswaku u ponisiwa ka hinkwaswo swidyoho mswa wena, ku pfumela koloko ku kona endzeni ka wena leswaku u kuma, hikwalaho ka kona, hinkwaswo leswi u nga ta swi lava ka vutomi lebyi. Loko wena u pfumela leswaku Xikwembu Xa ku rhandza nileswaku hakunene u sungula ku twisisa nhlamuselo wa swona kutani u ta tshemba ka Xona. U ta va ni ku tshemba ka ntiyiso leyi nga ritweni ra Xona. U ta tiva leswaku Xi nge tshuki Xi ku hembela, hikuva Xa ku rhandza.

Hi mayelano ni *Mahungu Lamanene*, “*ku pfumela*” iku tiseketela hi xona, hinkwalo vumunhu lebyi hi nga byona kta vanhu, hi ku tshemba ko hetiseka [ka Xikwembu] ka matimba ya Xona, vuthlari ni vunene.” (*Vakolosa 1:14*) Tanihi leswi u Xi pfumelelaka ku Xi ku rhandza, u ta dyondza ku Xi rhandza niku Xi tshemba u va ni ku pfumela.

Xikwembu Xa ku rhandza!

5



MI TSHUNXEKILE KA KU TCHAVA

Erirhandzwini a ku na ku tchava [ku kanakana ni ku tchava a swi kona], kambe rirhandzu leri hanyaka hiku hetiseka (ro tala niku hetiseka) ri susa ri hlongola ku tchava hinkwako! Hikuva ku tchava ku ni makungu ya ku xanisa, ni [kutani] loyi a nga ni vutoiya a nga si kuma entelelo ni ku wupfa ka rirhandzu [a nga si kula na a kuma ku hetiseka ko tala ka rirhandzu].

1 Yohane 4:18 – MHL

Ha kanyingi, loko hinkwaswo swio hi fambela kahle, hi hanya vutomi bya hina ekupfumeleni na hi ri ni ntiyiso yaku Xikwembu Xa hi rhandza, na hi tshemba Xona. Hi ku hatlisa, loko ku humelela ntchumu xo ka xi nga tsakisi, hiku hatlisa ku humelela ndzingu wa ku titwa se swi nga há fani.

Swikarhato (swilo leswi nga tsakisiki swa hi humelela) swi vula muyivi lonkulu wa ku pfumela. Há kanyingi a swi tiki ku kholwa leswaku Xikwembu Xa hi rhandza, leswi vula ku, kuya fika laha nswikarhato se swi nga hi matshamele man'wana, na swi lava ku hi pfumela hiku hambana.

Kutani, diyavulosi a hi tela ni ku tchava ni ku hi avanyisa leswaku a hi hambanisa nileswi swi nga hi tshunxaka – rirhandzu ra

Xikwembu. “Vonani, leswi laha?” hi leswi a hi byelaku yena. “Wa há pimisa ku Xikwembu Xa ku rhandza? Loko Xi ku rhandza, há yini swilo leswi swo biha swi ku humelela xana? I ntiyiso ku u endlile swo tchavisa ngopfu. Xikwembu Xi tava Xi kwatile na wena.”

Kutani, wena se u luza ku tshemba ka wena ka Xikwembu niku, ka matshamela lawo, Xona se a Xi nge he ku pfuni, hikuva se ku tshemba ka wena a ka há vekiwanga lek a Xona. A swi koteki ku u ri ni ku tshemba ka Xikwembu niku u tala hi ku pfumela loko wena u nga swi tivi leswaku Xikwembu xa ku rhandza. Loko wena u pfumeletela ndzwalo wa vutoiya ni ku avanyisiwa loku diyavulosi a ku rhwexaka kona, u nga ta swi tiva leswi Xikwembu Xi ku rhandzisaka swona.

1 Yohane 4:18 a vula ntchumu wa matimba...*rirhandzu ro hetiseka ri susa vutoiya*. Ndzi anakanyile, ndzi anakanya ka rito leri, na ndzi ringeta ku kuma thlamuselo. Siku rin’wana, Xikwembu Xi vekile ku twisisa emoyeni wa mina kutani ndzi twisisa. Rirhandzu ro hetiseka ri susa vutoiya, kutani Xikwembu hi Xona rirhandzu lelo lo hetiseka. Loko u tsumbula leswi ri nga hetisekisa swona rirhandzu lelo eka wena, a ku na ntchumu ka swivumbiwa hinkwaswo u nga ta va ni ku tchava. A swi koteki leswaku k uva na ku tchava loko ku ri na nhlavutelo wa rirhandzu ra Xikwembu.

A swi koteki leswaku ku ri na ku tchava ku hela matimba loko wena u tiva leswaku Xikwembu Xa ku rhandza. A swi koteki leswaku u phazama loko wena u tshemba Xikwembu.

Wena u nga heleliwa hi matimba loko u tshemba ntamu wa wena. Loko u ri ni ku tshemba leswaku Xikwembu Xa ku rhandza, a u nga ta tchava ku hela matimba. Hikuva u ni ntiyiso ya ku Xikwembu Xa ku rhandza wena, a u nga ta tchava ku yaliwa.

Rirhandzu ra Xikwembu iri kulu ngopfu hi laha ri finingetaka ni hinkwaswo. U pimisa ku Xikwembu lexi ku poniseke Xi ku tshunxa Xi nga thlela Xi ku avanyisa xana? Sathana yena hi yena a ku avanyisaka. Xikwembu xona Xi ku nyika ku u twisisa hi ta xidyoho niku ku komba ndlela yaku wena u kota ku ti tshunxa ka vubihi byolebyo. Diyavulosi yena a ku avanyisa a tlela a ku a kun a ndlela yaku u pona.

Ka Bibe le Mahungu Lamanene ku tsaliwile ka 1 Yohane 4:18 leswaku:

Erirhandzwini a ku na ku tchava [ku kanakana ni ku tchava a swi kona], kambe rirhandzu leri hanyaka hiku hetiseka (ro tala niku hetiseka) ri susa ri hlongola ku tchava hinkwako! Hikuva ku tchava ku ni makungu ya ku xanisa, ni [kutani] loyi a nga ni vutoiya a nga si kuma entelelo ni ku wupfa ka rirhandzu [a nga si kula na a kuma ku hetiseka ko tala ka rirhandzu].

Vanyingi va ehleketa leswaku, hi ku dyondza xiphemu lexi, lexi nge loko van'wana va va rhandza, kutani, va nga ta va tchava, kumbe loko va kota ku rhandza van'wana, kutani, ku tchava ku ta suka ka vona. A swi vuli swona leswo.

Nhlamuselo ya kahle i ku tshika Xikwembu Xi ku rhandza, niku, kutani, a u nga ta va ni ku tchava. Loko u nga lavi ku u ri ni ku tchava vutomini bya wena, u fanela ku tshika rirhandzu ra Xikwembu riku tata. Amukela rirhandzu ra Xikwembu swoswi hambu ku ri hi ku pfumela. Endla leswo swoswi. Hi ku pfumela, tshambuluta voko ra wena u amukela hinkwaro rirhandzu ra Xona hikwalaho ka wena.

Hiku hatlisa ndzaku ka loko Xikwembu Xi ndzi nyikile nhlavutelo leyo yaku rirhandzu ri susa ku tchava, swi lavekile ku ndzi yi veka hi mintirho.

A hiri na mhaka ni mova wa hina. Hi pimisile leswaku nsimbi ya la hansi ka mova yi nga há tirhi kahle hi makumu. Loko leswo a swi humelela, a hi swi tiva leswaku swi ta hi kosta male ya 400 kumbe 500 wa madolari ku wu lungisa, kutani hina a hi nga ri na male.

Mixo lowuya Xikwembu Xi tirha ka mina Xi ku: “Joyce, heta siku hinkwaro na u ni rhandza niku u ndzi tshika na Mina niku rhandza. A u faneli ku endla ntchumu. A swi sindzisi ku uri wansati wa ku pfumela lokukulu. Hinkwaswo leswi u fanelaka ku endla swona i ku ndzi rhandza niku tshika na Mina ndzi ku rhandza. Ndzi tshiki ndzi ku rhandza nkarhi hinkwawo.”

Kutani, ndzi hetile siku hinkwaro ndzi akisa ku pfumela ko kwetsima, na ndzi yimbelela ndzi lulamisa mamelodiya ya mampshwa eka Xikwembu. U vile nkarhi wo hlamarisa. Hi ku hatlisa, ndzi twa nuna wa mina le garagi na a vuyile. Yena a a ri hari ku suka a ya ntirhweni hi lomu ka 45 wa timeneti! Yena a pfula xipfalo a ku: “A ndzi swi kotanga ku dumisa mova. Swi ta laveka ku hi heleketa mova ekulungisiweni.”

Ndzi yo pfala xipfalo ndzi sungula ku hleka. A ndzi nga yo swi lava ku hleka. Kambe ku hleka ku yo huma hi le ndzeni ka mina tanihi nhlamulo, na yi tlula hi lek a moya wa mina. Xikwembu xi ni kombile ku, hikuva ndzi nga Xi tshika xi ndzi rhandza mixo hinkwawo, a Xi endlile leswaku ndzi swi kota hiku hleka. Ku tshika Xikwembu Xi hi rhandza ku pfula xipfalo niku pfumelela leswaku ku pfumela ku tirha lek a hina. Mina ntsena ndzi yo hleka, kutani leswo swi yo va ku tirha ka ku pfumela ka mina.

Abrahama a hlekile mahleko ya ku pfumela. Loko Xikwembu xi tile ka yena Xi ta mu byela ku a ta va ni n’wana, Abrahama a yo famba nyana kan’we a ya ndzaku kutani a hleka a ku:

A dzunisa Xikwembu! Mina ndza pfumela leswo.” Sara yena a yo hleka ku kanakana ni ku kala ku tshemba, kutani Xikwembu Xi n’wi kombisile, kambe a Xi tshinyanga Abrahama. Xikwembu a Xi hlamulanga Abrahama hiku hleka hikuva ku vile ni mahleko ya ku pfumela.

Loko dyavulosi a ta ta ku lwisa hileswi u tivaka Xikwembu Xa wena xa kahle, leswi dyavulosi a swi endlaka a swi pfuni ntchumu hi ndlela yaku a swi ku tchavisi, kambe swa vanga nguzi yaku pfumela ka wena. Leswo swi humelela hileswi wena u tivaka leswaku Xikwembu Xa ku rhandza nilswaku Xi ni hlamulo kolano.

Kutani, loko ndza há hleka hi mhaka ya mova, Xikwembu Xi vulavulile ntchumu wa matimba mbilwini ya mina, hi rito la hansi la ku olova. Xi ndzi byela kanarhu: “Loko minkarhi hinkwayo u tirha hi ndlela leyo, Joyce, a ndzi nga ku tshiki u xaniseka.” Swi fana ni ku dawula ka tchumu hi laha kayak a mina. “a ndzi nge tshuki ndzi ku tshika ku xukuvaleni, ndzi nge tshuki ndzi ku xukuvalisa.”

Loko wena u ti seketela ka Xikwembu niku u Xi tshika Xi ku rhandza na wena u Xi rhandza, u nga tshika ntirho hinkwawo lowuya wa ku u ti karhata ku tirha hi ku pfumela. Rhandza Xikwembu u xi tshika Xi ku rhandza kutani u ta vona leswi Xi nga ta swi endla hi wena. Rirhandzu la Xikwembu ri ta ku tlakusa henhla ka ku tchava Xi ku tchukumeta kule ni mbilu ya wena.

Xikwembu Xa ku rhandza!

6



RIRHANDZU RA KUMELA

Nawu lowu (ntirho, xilerhiso, ku nga ri patsano) hina hi swi amukela hi ka Xona: Loyi a rhandzaka Xikwembu a fenele ku rhandza makwavo [mupfumeli] na yena.

1 Yohane 4:21

Wena u n'wana wo rhandzeka wa Xikwembu. Xona Xi ku byelile leswo ka Duteronoma 7:6. Loko u sungula ku hanyisa xi leswo, leswo swi ta tchintcha misava. Loko u huma kaya, u nga va na u ya ntirhweni, kumbe exikolweni, kumbe ebazara, kumbe ndawu yin'wana, u ta va ni ku mbonyozela ematihlweni ya wena, ni risimu embilwini ya wena ni ku vulavula ka milomo ya wena ku ta va: "Hinkwaswo leswi ndzi nga ta swi khumba swi ta katekisiwa. Haleluiya! Ova lomu ndzi yaka kona, van'wana va ta katekisiwa ntsena hi vukona bya mina. A ku dzunisiwi Xikwembu! Xikwembu Xi ndzi pfumelelile. Mpumelelo wa Xona ni timpswalo swi na mina."

Loko hi twisisa leswi hi rhandzisiwaka swona hi Xikwembu niku hi sungula ku hanya ku fana ni loyi a rha dziwaka, kutani hi nga swi kota ku koka misava yi ta ka Yesu. Rirhandzu ri hangalaka ku fana ni ndzilo. A swi pfuni ntchumu ntsena ku ti vula mukriste kasi, hinkwavo lava hanyaka kusuhi na wena va rungula swa

xixandzu hi wena.

Wena uri: “Ndzi mukriste, ndzi mukriste,” kambe, loko ku humelela mova un’wana mahlweni ka wa wena wu ku pfaleda, wena u ri: “A ku fambiwi, suka endleleni ya mina. A u swi tivi leswaku a ndzi fanela ku se ndzi ri ekerekeni? Loko u ndzi pfaleda ndlela ndzi ta xwela enhlanganwini.”

Leyo i miyehleketo leyi hi nga na yona hina hinkwenu minkarhi yin’wana. Xana u lulamile ku hoxela voko ra ku hlula xana? Tshambuluta voko ra moya ra wena kutani swoswi u teka ku hlula ka wena u ku: “Diyavulosi, se a swi heli swa ku ndzi koka-koka hi ndlela ya mavunwa ni ku tchava. Mina ndzi murhandziwa wa Xikwembu i ndzi ta hlula hi vito ra Yesu, hikuva Xikwembu Xa ndzi rhandza, i a kuna ntchumu lowu wena, diyavulosi, u nga ta u endla ku pfala ntirho lowo!”

Rirhandzu ra Xikwembu eka wena ri ku pfuna ku tshunxeka ka ku tchava, kutani wena a u nga ta há kanakana ku tshambuluta voko ra wena u khumba van’wana hi rirhandzu. Xikwembu Xi lava leswaku u pfumela leswaku há wena Xi ta endla mintirho leyikulu, hikuva Yesu u yile ka Tatana. Xana wena wa pfumela leswaku Xikwembu Xi nga ku tirhisa? Xikwembu Xi ta ku nyika leswi u pfumelaka leswaku Xi ta swi endla hi wena. Wena a u faneli ku u tchava ku teka masungulo ya ku pfumela.

A swi nga ta koteka ku ndzi ku byela leswaku i ma khambi mangani ndzi ti twaka ndzi ri enkingeni eka ku pfumela ka mina, kusuhi nyana ni khele leri ndzi vangalaka ku tchava, kambe Xikwembu Xi ndzi byela ku: “A hi fambi, Joyce, a hiye mahlweni. Mina ndzi ta endla swilo swikulu hi wena. A hi fambi.” Kutani mina ntsena ndzi yo famba nyana hi le xikarhi ka nchumu wukulu lowu ndzi kokaka ku ndzi tlula, kambe ku fika ni nyamuntla Xikwembu a Xi se tshama Xi ndzi tshika kumbe Xi ndzi tshika ndzi pfilunganyekile.

Loko u teka masungulo lawo ya ku pfumela, xana va swi tiva leswaku a ndzi faneli ku tchava ku tshuka ndzi hela matimba? Hikuva ndza swi tiva leswaku Xikwembu Xa ndzi rhandza. Xona Xa ndzi rhandza niku kambe na Xona Xa swi tiva leswaku ndza xi rhandza. Hi Timpwalo ta Xona, ndzi Xi nyikile hinkwaswo, ni vutomi la mina hinkwalo li leka Xona. Loko na wena se u swi endlile swoleswo ni loko u Xi rhandza Xikwembu ni leswi Xi ku rhandzaka wena, kutani ku hava, ka swivumbiwa hinkwaswo, leswi nga tshukaka swi ri mhaka leyi u nga yi tsandzaka ku hundza ka yona.

Imani loyi a nga hi hambanisaka ni rirhandzu ra Kriste? Inga va ku xaniseka, ku vilela kumbe maxangu? Vusweti kumbe mahlomulu? Ku hlongorisiwa, ndlala, vusiwana, nguzi kumbe fumu?

Tanihi leswi ku tsariweke: Hikwalaho ka rirhandzu ra Wena hi nyiketiwa ka rifu masiku hinkwawo, hi fananisiwa ni tinyimpfu leti yisiwaka ku dlayiweni.

Kambe ka swilo hinkwaswo leswi hi vahluli henhla ka vahluli niku hi kuma ku hlula (loku hi hundzisaka ka hinkwaswo) hikwalaho ka loyi a hi rhandzeke.

Leswi mina ndzi nga (kutcheteka niku) endliwa ndzi twisisa ku tlula ku kanakana kwihi na kwihi (Ndzi ni ntiyiso) yaku hambu rifu, kumbe vutomi, kumbe tintsumi, hambu vamagugu, hambu ku tchavisela ka swilo leswi helaka, hambu swilo leswi swa há taka, hambu matimba, hambu ku leha, hambu xidziva, hambu xin'wana xivumbiwa xi nga hi hambanisaka ni rirhandzu ra Xikwembu leri nga ka Kriste Yesu hosi ya hina.

Varhoma 8:35-39

Kumbe xana wena a u swi tiva na kutsongo leswaku Xikwembu Xi swi lavisaka swona ku k u vona u tshunxekile. Wena loko u nga

tsakanga, leswo swa vavisa ka Xikwembu. Minkarhi yin'wana, nimixo, wena wa pfuka u nga ri kahle kutani u tshamisa xi swiswo siku hinkwalo.

Xana wa ri tiva siku leri ndzi ri vulaka? Hi leli wena u khavaka xingove, u vanga guwa ni vana siku hinkwalo, u nyenya muakelano, u tira ku ngurangureka ni ngohe yo boheka na u vula u ku: “Ndzo kho ndzi tirha, tirha, tirha, kutani a ku na munhu loyi a ndzi tlakusaka a tsakela leswi ndzi swi tirhaka.”

Ndza swi tiva leswaku leswo swa endleka, hikuva na mina se swi ndzi endlekelile. Loko Vana va fika kaya na va vuya hi xikolweni, wena u pimisa u ku: “Va vuyela yini ehandle ka k uva tshama xikolweni 14 wa mahora?”

Xana a u swi tiva leswaku miyehleketo ya ku tani ya vavisa Xikwembu? Makungu ya mina lana a ndzi lavi leswaku u ti twa na wo avanyisiwa. Ntsena ndzi lava ku ku endla u twisisa rirhandzu ra Xikwembu hi wena. Loko u kota ku pfumela leswaku Xikwembu Xa ku rhandza, kutani u ta fanela ku amukela rirhandzu ra Xona, kutani ku sukela kolano rirhandzu la Xona ri ta ku tata, ri kondza ri khuluka ri ya ni ka van'wana la va nga kusuhi na wena. U ta tshunxeka leswaku u rhandzeka, na u tshika mihandzu ya Moya yi khuluka ka vutomi ra wena, na ku ti komba ku olova, ni mussa, ni vunene.

Loko u hoxa voko hi mukhuva lowo u kumela niku twisisa ta rirhandzu ra Xikwembu hi wena, hiku hatlisa ku hanyisiwa ka wena ku ta fika, ku humelela ku ta ta evokweni ra wena, ni hinkwaswo leswi u nga ta swi lava u ta va na swona. Há yini? Hikuva u lek u humuleni.

Leswi endlaka leswaku Xikwembu Xi nga hi nyiki swilo hinkwaswo leswi hi swi lavaku, hileswaku hi hi hoxe hi tikarhatela

ngopfu ku swi hlota hiku tlula mpimu. Xona a Xi kumi nkarhi wa ku swi tchululela ka hina leswi hi swi lavaku. Xikwembu Xi lava leswaku u humula ka Xona u Xi rhandza. Xona Xi lava leswaku u Xi rhandza u tshika na Xona Xi ku rhandza, na u amukela hi ka Xona leswi u swi lavaka.

Diyavulosi a nge swi koti ku nyimisa ku khuluka ka loyi a rhandzaka, hikuva loyi a rhandzaka wa nyika. A swi endleki leswaku loyi a rhandzaku a nga nyiki.

Tlelo ro gama ra vesi ka Duteronoma 7:6 – MHL ri ri ...*Xikwembu Xi mi hlawulile leswaku mi ri tiko ra Xona ra xiviri*. Xikwembu Xi mi vitanile. Kumbe xana tlelo rikulu la ntirho wa wena swoswi a rive kayak a wena ni ndyangu wa wena, kambe Xikwembu Xi ku vitanile. Loko hakunene u swi lava leswaku Xikwembu Xi ku tirhisa wena, Xi ta ku tirhisa. Swa laveka, hikokwalaho, leswaku uri na wona masungulo lawo eku twisiseni ka wena loko u nga si endla ntchumu. Wena u fanele ku tiva rirhandzu ra Xikwembu hi wena hi xiviri.

U nga heti ntamu wa wena wa moya eka wena wexe, hiku kuma leswi u swi lavaka. Hi ndlela yo vevuka, byela xikwembu leswi u swi lavaka kutani u hatlisa, u tirhisa ku pfumela ka wena niku u xumayela van'wana lava nga lek u vileleni.

Yesu a a kongela niku lava mombo wa Tatana na a ti akisa Yena niku, kutani, A ta kota ku tirhela hinkwavo lava a va ta ka Yena, eka hinkwavo lava a va twa tidyondzo ta Yena hi ta ku pfumela.

Kutani, yena a a va xumayela Rito, a a va tlandleka mavoko, kutani vona a va amukela mahlori lawa a va ma nyimela. Yesu a a pfa a suka nyana a ya koneni kuya kongela Tata wa Yena leswaku a kota kuya kuma leswi a a swi lava. Swa laveka leswaku ku kombeliwa Xikwembu leswi hi swi lavaka, kambe leswo swi

fanele ku endliwa hi mukhuva waku hi tshika Xikwembu i ri Xona Xi tirhaka. Ku navela kukulu ka vutomi ra wena, ku fanele leswaku u ku kuma niku, leswaku u ta nyika ni van'wana lava pfumalaka leswaku u va na vutomi leri hundzukeke.

Ku vula kahle-kahle, ku humelela ka ntiyiso iku tirhisa ku swi kota ka Xikwembu leswaku há kona u hlula swivilelo leswi hi humelelaka. Rirhandzu ra Xikwembu ri ta ku pfuna ku u veka swiveleloswa van'wana ku sungula. Xana wena u pimisa ku swa koteka ku Xikwembu xiku endla u swi kota ku rhandza lava va nga riki vo rhandzeka, lava nguranguraka va nga tiviki niku khensa?

A swi karhati ku rhandza lava rhandza na vona. Leswo a swi dyondziwi xikolweni. Hambi mudyohi lo'nkulu ka hina a nga swi kota ku swi endla leswo. Kambe ku endlela ku kota ku rhandza lava nga randziki swi laveka leswaku u ri ni ku lehisa mbilu ka rirhandzu, u ya mahlweni u va rhandza ku kondza rirhandzu ra Xikwembu ri va hundzula.

Kumbe xana swi nga tshuka swi teka lembe. Kumbe swi nga teka 5 wa malembe. Kumbe xana swi nga tshuka swi teka 25 wa malembe, kambe swi ta ampswa. I malembe mangani Yesu a ku nyimeleke wena?

Xikwembu Xa ku rhandza wena ni hinkwavo lava hanyaka kusuhi na wena. Vaponisiwa ni vadyohi, Xona Xi rhandza hinkwavo niku Xi lava ku tirhisa wena tanihi ndlela ya rirhandzu ra Xona.

U nga kanakani ku teka masungulo yak u pfumela. Rirhandzu ra Xikwembu ri le ku ku tshunxeni wen aka ku tchava ni ka ku avanyisiwa, niku hi Xona Xi ku endlaka u kotaa ku rhandza. Tekka xibohe xa ku u hangalasa rirhandzu ra Xona kusuhi emugangeni wa wena. Sungula hiku tsakela vanhu, hundzuka wa xingana ngana kutani u ri nkateko eka van'wana ka Miri wa Kriste.

Rhamba vanhu va ta ta lalela kaya ka wena. U va xoweta hi voko u mponyozela loko u xoweta munhu. Xikwembu Xi lava ku ku tirhisa wena u ri wexe. Leswi Xi nga na swona eka wena swi swoxe kutani a ku na xivumbiwa xin'wana xi nga swi endlaka leswi Xi swi vekeleke wena.

Kuni vanhu lava ntsena i nga wena u nga va xumayelaka. A ku na mun'wana a nga ta fikela vanhu volavo loko ku nga ri wena. Kombela Xikwembu Xi ku komba leswi u nga va kumisaka swona vanhu hi rirhandzu ra Xikwembu kutani Xona Xi ta ku dyondzisa.

Xikwembu Xa ku rhandza wena!

7



RIRHANDZU RA XIKWEMBU RI TA KU HUNDZULA WENA

Ka leswi kuni rirhandzu: ku nga ri ku hina hi rhandzile Xikwembu, kambe hi xona xi hi rhandzeke kutani Xi rhumile N'wana wa Xona tanihi mhamba (magandzelo yaku susa) swidyoho swa hina.

I Yohane 4:10

Xikwembu Xa hi rhandza, kambe dzi pfumela leswaku vo tala ka hina há twisisa rirhandzu leri Xikwembu Xi hi rhandzaka hi rona. Xikwembu Xa ndzi komba, hikwalaho ka dyondzo leyi ndzi yi endlaka himyelano ni mhaka leyi, leswaku loko hakunene a ho twisisa ka moya wa hina leswi Xi hi rhandzisa swona a hi ta nyinketa timhaka hinkwato niku a hi ta va ni ndlela yin'wana ya ku kongomana ni swilo hinkwaswo swa vutomi.

Anakanya ka rirhandzu ra Xikwembu hi wena. Hi leswo swi n ga ta ku hundzula. Loko u ga tsakisiwi hi xa ntcumu ka wena, “na u swi tiva leswaku wena wa swi tiva” leswaku Xikwembu Xa ku rhandza, Xi ta endla hinkwaswo swi hambana niku tchintcha ka wena.

U twa yini loko u tiva leswaku kuna munhu loyi a ku rhandzaka

wena? Leswo swi ku endla u ti twa kahle, xana a hi ntiyiso? U pimisa ku swibihile?

Xikwembu Xi ndzi byelile leswaku van'wana vanhu lava nga ta hlaya buku leri ma ti venga hi voxo, va venga ni leswi va swi endlaka niku a va se pfumela mhaka ya ku i swivumbiwa leswimpswa ka Kriste, va ya mahlweni ni ku lwa ni ntumbuluku wa khale.

Loko wa há tolovela ku twa nadzu, niku ti veka hansi, u ti ala hi wexe niku pfumelela miyehleketo yo tano embilwini ya wena, wena u nga ta tshuka u ti twa u tsakeliwa hi Xikwembu niku nyikiwa risima evutomini. Bibebe riri: *Hikuva leswi yi nga hi xi swona miyehleketo ya mbilu ya wena, hi leswi munhu a nga xi swona.* (Swivuriso 23:7 – MHL).

Leswo swi humelela hikuva wena a u se swi teka u swi veka ka wena leswaku Xikwembu Xa ku rhandza.

Siku ni siku Xikwembu Xi lava leswaku wena u ri na Xona n'wexe. Hi leswo swi nga ta ku endla lowumpswa ni ku ku hundzula. Loko wena u nga rangisi Xikwembu ku sungula evutomini ra wena, Xikwembu Xi tsandzekisiwa ku endla hinkwaswo leswi Xi swi lavaka ku swi endla. I nkarhi lowu ntsena wena u wu tekaka u ri wexe ni Xikwembu na u Xi rhandza niku na wena u Xi tshika Xi ku rhandza hi leswi nga ta ku endla u kula u tiya ka munhu wa wena wale moyeni.

Vanhu, hi ntalo wa vona, i malolo kutani va hlawula kuva nga endlile leswo. Va lava leswaku van'wana va endlile leswi vona va fanelaka ku endlile swona. U nga lavi swo ti tchavelela hi swona. Un'wana ni un'wana loyi a dyondzaka buku leri kambe na a nga ri na xinakulobye ni Xikwembu hakunene a kuma ku khutazeka nkarhi lowu i ndzaku ka miyehleketo leyo diyavulosi se a mu

byeletela ku: “Kambe wena u ni swo tala ku swi endla.”

Mina ndza swi tiva leswi humelelaka. Diyavulosi a ku nyika hinkwako ku ti tchavelela loku u ku lavaka. Huwelela ka Xikwembu teka mapimu ya ntiyiso na Xikwembu. Rito ra Xona ni xinakulobyane na Xona swi ta ku tchintcha wena. Xikwembu hi Xona leXi ku nyikaka ku swi kota. Pawulo a ri ka Vafilipiya 4:13: *Hinkwaswo ndzi nga swi kota ka loyi andzi tyisaka*. Hi marito man’wana, a ku na ntchumu eka swivumbiwa hinkwaswo lowu u nga wu tsanzaka ku wu endla hi matimba ya Yesu kriste.

Loko mhaka yi humelela, wena u fanele ku pfuka u nyima hi matimba niku hlula u hundza ka yona. Loko wena u pfuka u nyima na u amukela rirhandzu ra Xikwembu hi wena ka mhaka leyi u nga ka yona u alela dyavulosi u nga nyiki nkama wa mavunwa niku ku kanganyisa, kutani u ta sungula ku kuma vutomi ra ku hlula. Kumbe xana wena u titwa u ri xisiwana xo xaniseka swoswi, kambe u nga sungula ku endla nthumu hi ndlela yo hambana nilswaku loko phakati ka wena u pfumela leswaku u nga va xivumbiwa leximpswa ka Kriste. Wena a u nga ta tshuka u pfuka u nyima loko u nga si sungula ku pimisa u ku: “A ku dzunisiwi Xikwembu hikuva Xi na mina. Ndzi mukwetsimi. Ndzi muhlawuliwa. Xona Xi ndzi basisile hi ngati ya Xinyimpfana. Ndzi ta endla hi ndlela leyo. A ndzi na mhaka, dyavulosi, ni makhambe lawa ndzi nga ta wa. Xikwembu i Xi kulu ku tlula kuwa ka mina ni ku tsana niku Xi ta ndzi hlayisa Xi ndzi pfuxa. Xona Xi basisa nsila leyi ndzi yi vangaka.”

Hi yihi mhaka leyi yi nga ku hlulaka wena loko u “tiva leswaku wa swi tiva” leswaku Xikwembu Xa ku rhandza? Ku hava ni yin’we. U ta va muhluri eka timhaka hinkwato.

Xana wa swi lava kuva muhluri ku tlula vahluri? Hlamula xivutiso lexi kutani ke: “Ndza wu lava ntchumu leswaku ndzi hlula?”

Ntsena hi ndlela leyo u ta kula. Loko iri ku a wu se tshama u ri ni timhaka n i ntchumu leswaku u wu hlula, a wu ta kulisa ku yini eku pfumeleli i a wu tava muhluli henhla ka vahluli ka yini?

Tirhisa timhaka leti ku humelelaka tanihi nkarhi waku u kula há tona. Tsumbula leswi Xikwembu Xi nga ta swi endla hi wena, hikuva Xa ku rhandza wena! Loko wena u ti seketela ka Xikwembu u Xi tshika Xi ku rhandza na wena u Xi rhandza, u nga kota ku rivala ntirho hinkwawo lowuya waku tikarhata ku tirha hi ku pfumela. U ta ngena ku sungula eku humuleni ka Xona, u wisa ka Xona. Loko u tshika Xikwembu Xi ku rhandza na wena u Xi rhandza, u ta swi twa ku swi fana ni munhu loyi a nga dakwa emoyeni. Nkarhi wolowo, swikarhato swa vutomi ra wena a swi nga ta ku tchavisa, hikuva u tava na u tirha hi rirhandzu ra Xikwembu. Loko ndzi amukelile nkhubulo wa Moya wo Kwetsima, mavhiki ya 3 yo sungula a ma fana wonge ndzi yo dakwa. Vanhu a va ya mahlweni vaku ka mina: “Joyce, ku humelela yini na wena?”

A swi lavekanga ku ndzi kholisa munhu leswaku ku ni ntchumu lowu a wu tchintchile ka mina. Ku tchintcha leka mina a ku voneka ka hinkwawo. Loko wena u tirha leka rirhandzu ra Xikwembu, ku mponyozela ku namarile le ka mahlo ya wena. Ku xonga ku tata ngohe. Wena u ta va ni matimba ni ntamu. U nga kota ku tirhela van’wana hikuva, ku fana ni batariya, ri tchatchiweke hi Moya wo kwetsima minkarhi hinkwayo ri lulamile ku tirha ka xivilelo xihhi na xihhi ni mhaka leyi humelelaka.

Ti byele hi wexe wena: “Xikwembu Xa ndzi rhandza! Haleluya! Xikwembu Xa ndzi rhandza! Ndzi n’wana wo rhandzeka wo hlayiseka. Xikwembu Xa ndzi rhandza!” Kutani, swoswi teka masungulo makulu ya ku pfumela kutani u sungula ku ya mahlweni u pfumela ka leswo.

I ntiyiso! Xikwembu Xa ku rhandza wena!

KU NGENA KA VUTOMI LERIMPSWA



Loko wena u nga si tshama u rhamba Yesu leswaku a ri Hosi ni Muponisi wa wena, Mu rhambe a va Yena swoswi. Wena u nga endla xikongelo hiku landzela niku, loko hakunene u vula ntiyiso, hakunene, u ta ngena ka vutomi lerimpswa ka Kriste.

Tatana Xikwembu, ndza pfumela leswaku Yesu i Nwana wa Wena, Muponisi wa misava. Ndza pfumela leswaku u file exihambanwini hikwalaho ka mina niku a susile swidyoho swa mina hinkwaswo. Yesu a pfukile eku feni A yile etilweni. Ndza pfumela leswaku yesu a pfukile ekufeni kutani swoswi U tshamile exineneni ka Tatana. Ndza ku lava, Yesu. Ndzi rivaleli swidyoho swa mina, ndzi ponisi kutani u tshama ni lek a mina. Ndzi lava ku pswariwa ra vumbirhi!

Swoswi, pfumela leswaku Yesu se u tshama embilwini ya wena. Wena se u rivaleriwile, u vuriwa lo a lulameke niku u taya etilweni.

Lava kereke ya kahle leyi dyondzisaka Rito ra Xikwembu i u sungula ku kula ka Kriste. Ku hava lexi nga ta tchintcha ka vutomi ra wena na ku nga ri na vutivi bya Rito ra Xikwembu. Yohane 8:31-32 (MHL0 a ri:

Loko mi tshama ka Rito ra Mina, kutani hakunene mi vadyondzisiwa va Mina. Kutani mi ta tiva ntiyiso i ntiyiso yi ta mi tshunxa.

Ndzi lava ku ku khongotela ku u tiya ka Rito ra Xikwembu na u ri byala exidziveni xa mbilu ya wena, hikuva, hi mayelano ni 2 Vakorinto 3:18, hi nkarhi lowu wena u langutaka ka Rito tanihi xibuko, u ta hundzuliwa u fana ni xifaniso xa Yesu Kriste.

Ndzi tsaleli na u ndzi byeletela hi ta xibofo xa wena xa ku pfumela Yesu.

Hi rirhandzu,

Joyce

XIKHONGUELO XA KU PONISIWA



Xikwembo xa ku rhandza, kutani xilava ku vani nhangano na wena. Loko unga amukelanga Yesu Kriste tanihi Muponisi wa wena, unga mu amukela sweswi. Ntsena pfula mbilo ya wena, u yi pfulela Yena kutani u khonguela xikhonguelo lexi:

“Tatana, ndza switiva leswaku ndzi ku dyohelile. Ndza kombela, ndzi rivaleli. Ndzi lhanpswi ndzi basa. Ndzi tsembisa leswaku ndzi ta tshemba Yesu nwana wa wena. Ndza pfumela leswaku Yesu a file hi mhaka mina – o rhwalile swidyoho swa mina, loku a file exihambanwini.

Ndza pfumela leswaku Yena a pfuxiwile eku feni. Ndzi nyiketa vutomi bya mina eka Yesu sweswi.

Khanimambu Tatana, hi kola ka nyiku ya wena ya Rivalelo ni vutomi lebyi nga heriki. Ndza kombela, ndzi pfuni leswaku ndzi hanya, ndzi hanyela wena. Hi vito ra Yesu, Amen.”

Tanihi leswi u khongueleke swi huma embilwini ya wena, Xikwembu xi ku amukerile, xi ku hlampswile kutani xi ku endla loyi a ntchunsekeke emapindzwini ya ku ufa emoyeni. Tinyiki nkarhi wa ku lhaya ni ku dyondza ematsalwa lawa ni ku kombela Xikwembu ku xivulavula na wena eka riendzu hinkwaru leri ra vutomi lerintsha ra wena.

Johane 3:16

1 Vakorinto 15:3-4

Vaefesa 1:4

Vaefesa 2:8-9

1 Johane 1:9

1 Johane 4:14-15

1 Johane 5:1

1 Johane 5:12-13

Khonguela ni ku kombela leswaku xi ku pfuna ku kuma a kereke leyinene leyi pfumelaka ka Bibe, leswaku u ta pfuniwa kuva ukula e ka nhangano wa wena na kriste. Xikwembu xi na wena minkarhi hinkwayo. Xita ku fambisa siku rinwana hi nkarhi wa kona, ni ku xi ku komba ndlela ya ku u hanya vutomi hintalo lebyi Xinga na rona ku ku nyika rona.

TA MUTSARI WA BUKU



Joyce Meyer i un'we wa varhangeli ka dyondzo ya Bibehe hi mintirho emisaveni. A tchiweke mutsari wa bestsellers hi *New York Times (Nova York wa Minkarhi)*, mabuku ya yena ma pfunile mamilioni ya vanhu ku va kuma ku tshemba niku pfuxetiwa hikwalaho ka Yesu Kriste.

Hikwalaho ka *Mintirho Joyce Meyer*, yena a dyondzisa hi ta makhulu ya swilo, yena I n'winyi mutsari wa ku hundza 80 wa mabuku i a fambisa ni lomu ka ku fika 15 wa tikonferensia hi lembe. Ku fika nyamuntla, ku hundza lomu ka 12 wa mamilioni ya tibuku ta yena se ti aveliwile misaveni hinkwayo, niku hi 2007 ku hundza 3.2 wa mamilioni ya makopiya ma xavisiwile. Nakambe Joyce a ni programa la TV ni la radio, *Ku Tiphina hi Vutomi bya Siku ni Siku*, leri ri haxiwaka emisaveni laha ri twiwaka hi 3 wa mabilioni ya vanhu. Kuma maprograma ya yena hi nkarhi lowu u wu lavaka ka site la www.joycemeyer.com.br.

Leswi a pfinyiweke sexualimente loko a ri hari ntsongo ni ku vava ka mutchado wa yena wo sungula a kumekeke a moxiwile emiyehleketweni, Joyce a tsumbulile ntshunxeko waku hanya ekuhluleni hiku tirhisa Rito ra Xikwembu ka vutomi bya yena, kutani a navela leswaku a pfuna van'wana ku endla sweswo. Ku sukela ka ku lwa ka yena ni mavabyi ya muzoko ka vele la yena (cancro da mama) ni ku lwa ka vutomi bya siku ni siku, yena a vulavula hiku ti pfula ni hi mintirho hi ta leswi mu humeleleke leswaku a kota ku pfuna van'wana va tirhisa leswi a swi dyondzeke ka vutomi bya vona.

Hi phuka wa malembe, Xikwembu Xi nyikile Joyce minkarhi yinyingi yaku a vula vumboni ra yena ni mahungu ya ku

tchintcha ka vutomi ya Evhangeli. Hakunene, xibukwana *Nkarhi* a xi hlalulile tanihi murhangeli wa evhangeli waku koka ngopfu vanhu le Amerika. Xibukwana lexi xi ni vumboni byo hlamarisa ngopfu bya nkikhiki ni mupfuxeteli ntirho wa Yesu Kriste. Yena a pfumela niku dyondzisa leswaku, a vu wexe bya khale bya munhu kumbe bya swihoxo leswi endliweke khale, Xikwembu Xi ni ndawu ya swona, niku xi nga ku pfuna etindleleni ta wena leswaku mi tiphina hi vutomi bya siku ni siku.

Joyce a ni xitifiketi lexi mu fanelaka xa vudyondzi bya vukhongeli a xi kumeke le Universidadi Life Kristian le Tampa, a Florida; a vutlangeli byo xiximeka bya vudyondzi ka divindade ra Universidadi Oral Roberts University ya Tulsa, Oklahoma; ni xitifiketi xin'wana xa vudyondzi ra vukhongeli sacra xa Universidadi Grand Canyon le Phoenix, Arizona. Joyce ni nuna wa yena, Dave, se va tchadile hi ku hundza 40 wa malembe niku i vapswari va 4 wa vana va va kulu. Dave na Joyce Meyer swoswi va tshama St.Louis, Missouri.